

金匱心典

金匱心典卷下目錄

黃痺病證并治第十五

驚悸吐衄下血胸滿瘀血第十六

嘔吐噦下利病脉證治第十七

瘧癰腸癰浸淫病脉證并治第十八

趺蹶手指臂腫轉筋狐疝虵蟲病脉證治第十九

婦人妊娠病脉證治第二十

婦人產後病脉證治第二十一

婦人雜病脉證并治第二十二

金匱心典卷下

漢張仲景著

吳下尤怡在涇集註

黃痺病證并治第十五

寸口脉浮而緩。浮則爲風。緩則爲痺。痺非中風。四肢苦煩。脾色必黃。瘡熱以行。

脉浮爲風。脉緩爲濕。云爲痺者。風與濕合而痺也。然非風痺疼痛之謂。故又曰痺非中風。所以然者。風得濕而變熱。濕應脾而內行。是以四肢不疼而苦煩。脾臟瘡熱而色黃。脾者四運之軸也。脾以其所瘡之熱。轉輸流布。而肢體面目盡黃矣。故曰瘡熱以行。

跌陽脉緊而數。數則爲熱。熱則消穀。緊則爲寒。食卽爲滿。尺脉浮爲傷腎。跌陽脉緊爲傷脾。風寒相搏。食穀卽眩。穀氣不消。胃中苦濁。濁氣下流。小便不通。陰被其寒。熱流膀胱。身體盡黃。名曰穀痺。

跌陽脉數爲熱者。其熱在胃。故消穀。脉緊爲寒者。其寒在脾。故滿。滿者。必生濕。胃熱而脾濕。亦黃病之原也。尺脉浮爲傷腎者。風傷腎也。跌陽脉緊爲傷脾者。寒傷脾也。腎得風而生熱。脾得寒而生濕。又黃病之原也。濕熱相合。其氣必歸脾胃。脾胃者。倉廩之官也。穀入而助其熱。則眩。穀不消而氣以瘀。則胃中苦濁。

濁氣當出下竅。若小便通則濁隨溺去。今不通則濁  
雖下流而不外出。於是陰受其濕。陽受其熱。轉相流  
注。而身體盡黃矣。曰穀痺者。病雖始於風寒。而實成  
於穀氣耳。

額上黑。微汗出。手足中熱。薄暮卽發。膀胱急。小便自利。  
名曰女勞痺。腹如水狀不治。

腎勞而熱。黑色上出。猶脾病而黃外見也。額於部爲  
庭。靈樞云。庭者顏也。又云。腎病者額與顏黑。微汗出  
者。腎熱上行而氣通於心也。手足心熱。薄暮卽發者。  
病在裏在陰也。膀胱急者。腎熱所逼也。小便自利。病

不在府也。此得之房勞過度。熱從腎出。故名曰女勞。痺若腹如水狀。則不特陰傷。陽亦傷矣。故曰不治。心中懊懣而熱。不能食。時欲吐。名曰酒痺。

懊懣鬱悶不寧之意。熱內畜則不能食。熱上衝則時欲吐。酒氣熏心而味歸脾胃也。此得之飲酒過多所致。故名酒痺。

陽明病。脉遲。食難用飽。飽則發煩頭眩。小便必難。此欲作穀痺。雖下之。腹滿如故。所以然者。脉遲故也。

脉遲胃弱。則穀化不速。穀化不速。則穀氣鬱而生熱。而非胃有實熱。故雖下之。而腹滿不去。傷寒裏實。原

遲者尚未可攻。况非裏實者耶。

夫病酒黃痺。必小便不利。其候心中熱。足下熱。是其證也。酒黃痺者。或無熱。靜言了了。腹滿。欲吐。鼻燥。其脉浮者。先吐之。沉弦者。先下之。酒痺。心中熱。欲吐者。吐之愈。

酒之濕熱。積於中而不下出。則爲酒痺。積於中。則心中熱。注於下。則足下熱也。酒黃痺者。心中必熱。或亦有不熱。靜言了了者。則其熱不聚於心中。而或從下積爲腹滿。或從上衝爲欲吐。鼻燥也。腹滿者可下之。欲吐者。可因其勢而越之。旣腹滿且欲吐。則可下。

亦可吐。然必審其脉浮者。則邪近上。宜先吐。脉沉弦者。則邪近下。宜先下也。

酒痺下之。久久爲黑痺。目青面黑。心中如噉蒜狀。大便正黑。皮膚爪之不仁。其脉浮弱。雖黑微黃。故知之。

酒痺雖有可下之例。然必審其腹滿。脉沉弦者。而後下之。不然。濕熱乘虛陷入血中。則變爲黑痺。目青面黑。皮膚不仁。皆血變而瘀之徵也。然雖曰黑痺。而其原則仍是酒家。故心中熱氣熏灼。如噉蒜狀。一如懊懣之無奈也。且其脉當浮弱。其色雖黑。當微黃。必不如女勞痺之色純黑。而脉必沉也。



師曰病黃瘧發熱煩渴胸滿口燥者以病發時火劫其汗兩熱所得然黃家所得從濕得之一身盡發熱而黃壯熱熱在裏當下之

煩滿燥渴病發於熱而復以火劫之以熱遇熱相得不解則發黃瘧然非內兼濕邪則熱與熱相攻而反相散矣何瘧病之有哉故曰黃家所得從濕得之明其病之不獨因於熱也而治此病者必先審其在表在裏而施或汗或下之法若一身盡熱而腹熱尤甚則其熱爲在裏裏不可從表散故曰當下

脉沉渴欲飲水小便不利者皆發黃腹滿舌痿黃躁

不得睡。屬黃家。

脉沉者熱難外泄。小便不利者熱不下出。而渴飲之。水與熱相得。適足以蒸鬱成黃而已。脾之脉連舌本。散舌下。腹滿舌痿。脾不行矣。脾不行者有濕。躁不得睡者有熱。熱濕相搏。則黃痺之候也。

黃痺之病。當以十八日爲期。治之十日以上。瘥反劇。爲難治。

土無定位。寄王於四季之末各十八日。黃者土氣也。內傷於脾。故卽以土王之數爲黃病之期。蓋謂十八日。脾氣至而虛者。常復卽實者。亦當通也。治之十日。

以上差者。邪淺而正勝之則易治。否則邪反勝正而增劇。所謂病勝藏者也。故難治。

痺而渴者。其痺難治。痺而不渴者。其痺可治。發於陰部。其人必嘔。陽部。其人振寒而發熱也。

痺而渴。則熱方熾而濕且日增。故難治。不渴。則熱已減而濕亦自消。故可治。陰部者。裏之臟腑。關於氣。故嘔。陽部者。表之軀殼。屬於形。故振寒而發熱。此陰陽內外淺深微甚之辨也。

穀痺之病。寒熱不食。食卽頭眩。心胸不安。久久發黃。爲穀痺。茵陳蒿湯主之。

穀痺爲陽明濕熱。瘀鬱之證。陽明既鬱。榮衛之源。壅而不利。則作寒熱。健運之機。窒而不用。則爲不食。食入則適。以助濕熱。而增逆滿。爲頭眩。心胸不安而已。茵陳梔子大黃。苦寒通泄。使濕熱從小便出也。

茵陳蒿湯方

茵陳蒿 六兩

梔子 十四枚

大黃 二兩

右三味以水一斗先煮茵陳減六升內二味煮取三升去滓分溫三服小便當利尿如皂角汁狀色正赤一宿腹減黃從小便去也

黃家日晡所發熱而反惡寒此爲女勞得之膀胱急少

腹滿身盡黃。額上黑。足下熱。因作黑瘴。其腹脹如水狀。大便必黑。時漉。此女勞之病。非水病也。腹滿者難治。硝石礬石散主之。

黃家日晡所本當發熱。乃不發熱。而反惡寒者。此爲女勞腎熱所致。與酒瘴穀瘴不同。酒瘴穀瘴熱在胃。女勞瘴熱在腎。胃淺而腎深。熱深則外反惡寒也。膀胱急。額上黑。足下熱。大便黑。皆腎熱之徵。雖少腹滿。脹有如水狀。而實爲腎熱而氣內畜。非脾濕而水不行也。惟是證兼腹滿。則陽氣併傷。而其治爲難耳。硝石礬石除熱。礬石除痼熱。在骨髓。骨與腎合。用以清。

腎熱也。大麥粥和服。恐傷胃也。

硝石礬石散方

硝石

熬黃

礬石

燒等分

右二味爲散。大麥粥汁和服。方寸匕。日三服。病隨大  
小便去。小便正黃。大便正黑。是其候也。

酒痺心中懊憹。或熱痛。梔子大黃湯主之。

酒家熱積而成實。爲心中懊憹。或心中熱痛。梔子淡  
豉。徹熱於上。枳實大黃。除實於中。亦上下分消之法  
也。

梔子大黃湯方

梔子

十四枚

大黃

二兩

枳實

五枚

豉一升

右四味以水六升煮取二升分溫三服

諸病黃家。但利其小便。假令脉浮。當以汗解之。宜桂枝加黃耆湯主之。

小便利。則濕熱除而黃自已。故利小便爲黃家通法。然脉浮則邪近在表。宜從汗解。亦脉浮者先吐之之意。但本無外風而欲出汗。則桂枝發散之中。必兼黃耆固衛。斯病去而表不傷。抑亦助正氣以逐邪氣也。

桂枝加黃耆湯方

見水氣

諸黃豬膏髮煎主之

此治黃痺不濕而燥者之法。按傷寒類要云。男子女人黃痺。飲食不消。胃脹。熱生黃衣在胃中。有燥屎使然。豬膏煎服則愈。蓋濕熱經久。變爲堅燥。譬如膏燭熱久。則濕去而乾也。本草。豬脂利血脈。解風熱。亂髮消癰。開關格。利水道。故曰。病從小便出。

豬膏髮煎方

豬膏

半觔

亂髮

如雞子  
大三枚

右二味和膏中煎之。髮消藥成分。再服。病從小便出。千金云。太醫校尉史脫家婢黃病。服此。胃中燥。糞下。便差。神驗。



黃痺病茵陳五苓散主之。

此正治濕熱成痺者之法。茵陳散結熱五苓利水去濕也。

茵陳五苓散方

茵陳

十分

五苓散

五分

右二味和先食飲服方寸匕日三服

黃痺腹滿小便不利而亦自汗出此爲表和裏實當下之宜大黃硝石湯。

腹滿小便不利而亦爲裏實。自汗出爲表和。大黃硝石亦下熱去實之法。視梔子大黃及茵陳蒿湯較猛。

也。

大黃硝石湯方

大黃

黃蘗

硝石

各四兩

梔子

十五枚

右四味以水六升煮取二升去滓內消更煮取一升頓服

黃疸病小便色不變欲自利腹滿而喘不可除熱熱除必噦噦者小半夏湯主之

便清自利內無熱徵則腹滿非裏實喘非氣盛矣雖有瘧熱亦不可以寒藥攻之熱氣雖除陽氣則傷必發爲噦噦呃逆也魏氏謂胃陽爲寒藥所墜欲升而

不能者是也。小半夏溫胃止噦。噦止然後溫理中藏。使氣盛而行健。則喘滿除。黃病去。非小半夏能治瘴也。

小半夏湯方

見痰飲

諸黃。腹痛而嘔者。宜柴胡湯。

腹痛而嘔。病在少陽。脾胃病者。木邪易張也。故以小柴胡散邪氣。止痛嘔。亦非小柴胡能治諸黃也。

柴胡湯方

即小柴胡湯見嘔吐

男子黃。小便自利。當與虛勞小建中湯。

小便利者不能發黃。以熱從小便去也。今小便利而

黃不去。知非熱病。乃土虛而色外見。宜補中而不可除熱者也。夫黃痺之病。濕熱所鬱也。故在表者汗而發之。在裏者攻而去之。此大法也。乃亦有不濕而燥者。則變清利爲潤導。如猪膏髮煎之治也。不熱而寒。不實而虛者。則變攻爲補。變寒爲溫。如小建中之法也。其有兼證錯出者。則先治兼證而後治本證。如小半夏及小柴胡之治也。仲景論黃痺一證。而於正變虛實之法。詳盡如此。其心可謂盡矣。

附方

瓜蒂散治諸黃

方見  
喝

按刪繁方云服訖吐出黃汁亦治脉浮從吐者之法也

千金麻黃醇酒湯治黃痺

麻黃 三兩

右一味以美酒五升煮取二升半頓服盡冬月用酒  
春月用水煮之

驚悸吐衄下血胸滿瘀血第十六

寸口脉動而弱。動卽爲驚。弱則爲悸。

驚則氣亂。故脉動。悸屬裏虛。故脉弱。動卽爲驚者。因驚而脉動。病從外得。弱則爲悸者。因弱而爲悸。病自內生。其動而且弱者。則內已虛。而外復干之也。

師曰。尺脉浮。目睛暈黃。衄未止。暈黃去。目睛慧了。知衄今止。

尺脉浮。知腎有游火。目睛暈黃。知肝有畜熱。衄病得此。則未欲止。蓋血爲陰類。爲腎肝之火熱所逼。而不守也。若暈黃去。目睛且慧了。知不獨肝熱除。腎熱亦

除矣。故其衄今當止。

又曰：從春至夏衄者，太陽；從秋至冬衄者，陽明。

血從陰經並衝任而出者，則爲吐；從陽經並督脈而出者，則爲衄。故衄病皆在陽經，但春夏陽氣浮，則屬太陽；秋冬陽氣伏，則屬陽明爲異耳。所以然者，就陰陽言，則陽主外，陰主內。就三陽言，則太陽爲開，陽明爲闔，少陽之脈不入鼻頰，故不主衄也。

或問衄皆在陽是已。然所謂尺脈浮、目睛暈黃者，非陰中事乎？曰：前所謂尺脈浮、目睛暈黃者，言火自陰中出，非言衄自陰中來也。此所謂太陽陽明者，言衄

所從出之路也。誰謂病之在陽者，不卽爲陰之所迫而然耶？

衄家不可汗。汗出必額上陷。脉緊急。直視不能眴。不得眠。

血與汗皆陰也。衄家復汗，則陰重傷矣。脉者血之府。額上陷者，額上兩旁之動脉，因血脫於上而陷下不起也。脉緊急者，寸口之脉血不榮而失其柔，如木無波而枝廼勁也。直視不眴不眠者，陰氣亡則陽獨勝也。經云：奪血者無汗。此之謂夫。

病人面無色。無寒熱。脉沉弦者衄。脉浮弱。手按之絕者



下血。煩欬者必吐血。

面無色。血脫者色白不澤也。無寒熱。病非外感也。衄。因外感者。其脉必浮大。陽氣重也。衄。因內傷者。其脉當沉弦。陰氣厲也。雖與前尺脉浮不同。其爲陰之不清。則一也。若脉浮弱。按之絕者。血下過多。而陰脉不充也。煩欬者。血從上溢。而心肺焦燥也。此皆病成而後見之診也。

夫吐血。欬逆上氣。其脉數而有熱。不得臥者死。

脉數身熱。陽獨勝也。吐血。欬逆上氣。不得臥。陰之燥也。以旣燥之。陰而從獨勝之陽。有不盡不已之勢。故

死

夫酒客欬者必致吐血。此因極飲過度所致也。

酒之熱毒積於胃而熏於肺則欬。久之肺絡熱傷其血必隨欬而吐出。云此因極飲過度所致者。言當治其酒熱不當治其血也。

寸口脉弦而大。弦則爲減。大則爲芤。減則爲寒。芤則爲虛。虛寒相搏。此名爲革。婦人則半產漏下。男子則亡血。此條已見虛勞病中。仲景復舉之者。蓋謂亡血之證有從虛寒得之者耳。

亡血不可發其表。汗出卽寒慄而振。

亡血者亡其陰也。更發其表。則陽亦傷矣。陽傷者外不固。故寒慄。陰亡者內不守。故振振動搖。前衄血復汗爲竭其陰。此則并亡其陽。皆所謂粗工。嘻嘻者也。病人胸滿唇痿。舌青口燥。但欲漱水不欲嚥。無寒熱。脉微大來遲。腹不滿。其人言我滿。爲有瘀血。病者如有熱狀。煩滿口乾燥而渴。其脉反無熱。此爲陰伏。是瘀血也。當下之。

此二條辨瘀血之見證。胸滿者。血瘀而氣爲之不利也。唇痿舌青。血不榮也。口燥欲漱水者。血結則氣燥也。無寒熱。病不由表也。脉微大來遲。血積經隧。則脉

瀉不利也。腹不滿。其人言我滿。外無形而內實有滯。知其血積在陰而非氣壅在陽也。故曰爲有瘀血。如有熱狀。卽下。所謂煩滿口乾燥而渴也。脉無熱。不數大也。有熱證而無熱脉。知爲血瘀。不流不能充澤。所致。故曰此爲陰伏。陰伏者。陰邪結而伏於內也。故曰當下。

火邪者。桂枝去芍藥加蜀漆牡蠣龍骨救逆湯主之。

此但舉火邪二字而不詳其證。按傷寒論云。傷寒脉浮。醫以火迫劫之。亡陽。必驚狂起卧不安。又曰。太陽病。以火熏之。不得汗。其人必躁。到經不解。必圜血名。

爲火邪。仲景此條。殆爲驚悸下血。備其證歟。桂枝湯去芍藥之酸。加蜀漆之辛。蓋欲使火氣與風邪一時並散。而無少有留滯。所謂從外來者。驅而出之於外也。龍骨牡蠣則收斂其浮越之神。與氣爾。

桂枝去芍藥加蜀漆牡蠣龍骨救逆湯方

桂枝

三兩  
去皮

甘草

二兩  
炙

龍骨

四兩

牡蠣

五兩  
熬

生薑

三兩

大棗

十二  
枚

蜀漆

三兩  
燒去腥

右爲末。以水一斗二升。先煮蜀漆減二升。內諸藥。煮

取三升。去滓。溫服一升。

心下悸者。半夏麻黃丸主之。

此治飲氣抑其陽氣者之法。半夏蠲飲氣。麻黃發陽氣。妙在作丸與服。緩以圖之。則麻黃之辛甘。不能發越。津氣而但升。引陽氣。卽半夏之苦辛。亦不特蠲除飲氣。而并和養中氣。非仲景神明善變者。其孰能與於此哉。

半夏麻黃丸方

半夏

麻黃

各等分

右二味末之。煉蜜和丸。小豆大。飲服三丸。日三服。

吐血不止者。柏葉湯主之。

按仁齋直指云。血遇熱則宣行。故止血多用涼藥。然

亦有氣虛挾寒。陰陽不相爲守。榮氣虛散。血亦錯行者。此乾姜艾葉之所以用也。而血既上溢。其浮盛之勢。又非溫藥所能禦者。故以柏葉抑之。使降。馬通引之。使下。則妄行之血順。而能下。下而能守矣。

柏葉湯方

柏葉

乾姜

各三兩

艾

三把

右三味以水五升。取馬通汁一升。合煮取一升。分溫再服。千金加阿膠三兩亦佳。

下血先便後血。此遠血也。黃土湯主之。

下血先便後血者。由脾虛氣寒。失其統御之權。而血

爲之不守也。脾去肛門遠。故曰遠血。黃土溫燥入脾。合白朮附子。以復健行之氣。阿膠生地黃甘艸。以益脫竭之血。而又慮辛溫之品。轉爲血病之厲。故又以黃芩之苦寒。防其太過。所謂有制之師也。

黃土湯方

甘艸

乾地黄

白朮

附子炮

阿膠

黃芩

各三兩

竈中黃土

半觔

右七味以水八升煮取三升分溫二服

下血先血後便。此近血也。赤豆當歸散主之。

下血先血後便者。由大腸傷於溫熱而血滲於下也。



大腸與肛門近故曰近血。赤小豆能行水濕解熱毒。當歸引血歸經。且舉血中陷下之氣也。

心氣不足。吐血衄血。瀉心湯主之。

心氣不足者。心中之陰氣不足也。陰不足則陽獨盛。血爲熱迫而妄行不止矣。大黃黃連黃芩瀉其心之熱而血自寧。寇氏云。若心氣獨不足則當不吐衄也。此乃邪熱因不足而客之。故令吐衄。以苦泄其熱。以苦補其心。蓋一舉而兩得之。此說亦通。濟衆方用大黃生地汁治衄血其下熱涼血亦瀉心湯類耳。

瀉心湯方

大黃 二兩

黃連

黃芩 各一兩

右三味以水三升煮取一升頓服之

嘔吐噤下利病脉證治第十七

夫嘔家有癰膿不可治。嘔膿盡自愈。

癰膿胃中有癰膿從嘔出也。是因癰膿而嘔。膿盡癰已則嘔自愈。不可槩以止吐之藥治之也。

先嘔却渴者。此爲欲解。先渴却嘔者。爲水停心下。此屬飲家。嘔家本渴。今反不渴者。心下有支飲故也。此屬支飲。

嘔家必有停痰宿水。先嘔却渴者。痰水已去。而胃陽將復也。故曰此爲欲解。先渴却嘔者。因熱飲水過多。熱雖解而飲旋積也。此嘔因積飲所致。故曰此屬飲。

家。嘔家本渴。水從嘔去故也。今反不渴者。以宿有支飲在心下。愈動而愈出也。故曰此屬支飲。

問曰。病人脉數。數爲熱。當消穀引飲。而反吐者。何也。師曰。以發其汗。令陽微。膈氣虛。脉乃數。數爲客熱。不能消穀。胃中虛冷故也。脉弦者。虛也。胃氣無餘。朝食暮吐。變爲胃反。寒在於上。醫反下之。令脉反弦。故名曰虛。

脉數爲熱。乃不能消穀。引飲而反吐者。以發汗過多。陽微。膈虛所致。則其數爲客熱。上浮之數。而非胃實氣熱之數矣。客熱如客之寄。不久卽散。故不能消穀也。脉弦爲寒。乃不曰寒而曰虛者。以寒在於上。而醫

反下之所致。故其弦非陰寒。外加之弦。而爲胃虛生寒之弦矣。胃虛且寒。陽氣無餘。則朝食暮吐。而變爲胃反也。讀此知數脈弦脈。均有虛候。曰熱曰寒。蓋淺之乎言脈者耳。

寸口脈微而數。微則無氣。無氣則榮虛。榮虛則血不足。血不足則胸中冷。

此因數爲客熱。而推言脈微而數者。爲無氣。而非有熱也。氣者榮之主。故無氣則榮虛。榮者血之源。故榮虛則血不足。榮衛俱虛。則胸中之積。而爲宗氣者少矣。故胸中冷。

合上二條言之。客熱固非真熱。不可以寒治之。胸中冷亦非真冷。不可以熱治之。是皆當以溫養真氣爲主。真氣冲和純粹之氣。此氣浮則生熱。沉則生冷。溫之則浮。談自收養之。則虛冷自化。若熱以寒治。寒以熱治。則真氣愈虛。寒熱內賊。而其病益甚矣。

跌陽脉浮而濇。浮則爲虛。濇則傷脾。脾傷則不磨。朝食暮吐。暮食朝吐。宿穀不化。名曰胃反。脉緊而濇。其病難治。

此因胃氣無餘。變爲胃反。而推言其病之并在於脾也。夫胃爲陽。脾爲陰。浮則爲虛者。胃之陽虛也。濇則

傷脾者脾之陰傷也。穀入於胃而運於脾。脾傷則不能磨。脾不磨則穀不化。而朝食者暮當下。暮食者朝當下。若穀不化則不得下。不得下必反而上出也。夫脾胃土也。土德本緩而脉反緊則肝有餘。土氣本和而脉反濇則血不足。藏真不足而賊邪有餘。故曰難治。

病人欲吐者不可下之。

病人欲吐者邪在上而氣方逆。若遽下之病氣必與藥氣相爭。而正乃蒙其禍矣。否則裏虛邪入病氣轉深。或痞或利未可知也。故曰不可下之。

噦而腹滿。視其前後知何部不利。利之愈。

噦而腹滿者。病在下而氣滯於上也。與病人欲吐者不同。故當視其前後二陰。知何部不利而利之。則病從下出。而氣不上逆。腹滿與噦俱去矣。

嘔而胸滿者。吳茱萸湯主之。

胸中。陽也。嘔而胸滿。陽不治而陰乘之也。故以吳茱萸散陰降逆。人參姜棗補中益陽氣。

吳茱萸湯方

吳茱萸 一升

人參 三兩

生薑 六兩

大棗 十二枚

右四味以水五升煮取三升溫服七合日三服



乾嘔吐涎沫頭痛者。吳茱萸湯主之。

乾嘔吐涎沫。上焦有寒也。頭者諸陽之會。爲陰寒之邪上逆而痛。故亦宜茱萸湯。以散陰氣而益陽氣。嘔而腸鳴。心下痞者。半夏瀉心湯主之。

邪氣乘虛陷入心下。中氣則痞。中氣既痞。升降失常。於是陽獨上逆而嘔。陰獨下走而腸鳴。是雖三焦俱病。而中氣爲上下之樞。故不必治其上下。而但治其中。黃連黃芩苦以降陽。半夏乾薑辛以升陰。陰升陽降。痞將自解。人參甘艸則補養中氣。以爲交陰陽通上下之用也。

半夏瀉心湯方

半夏

洗半斤

黃芩

乾薑

人參

各三兩

甘草

炙三兩

黃連

二兩

大棗

十枚

右七味以水一斗煮取六升去滓再煮取三升溫服一升日三服

乾嘔而利者黃芩加半夏生薑湯主之

此傷寒熱邪入裏作利而後上行爲嘔者之法而雜病肝胃之火上衝下注者亦復有之半夏生薑散逆於上黃芩芍藥除熱於裏上下俱病中氣必困甘艸大棗合芍藥生薑以安中而正氣也

黃芩加半夏生姜湯方

黃芩

生薑各三兩

甘草二兩

芍藥一兩

半夏

半升

大棗

十二枚

右六味以水一斗煮取三升去滓溫服一升日再夜一服

諸嘔吐穀不得下者小半夏湯主之。

嘔吐穀不得下者胃中有飲隨氣上逆而阻其穀入之路也故以半夏消飲生薑降逆逆止飲消穀斯下矣。

小半夏湯方

見痰飲

嘔吐而病在膈上。後思水者解。急與之。思水者。猪苓散主之。

病在膈上。病膈間有痰飲也。後思水者。知飲已去。故曰欲解。卽先嘔却渴者。此爲欲解之義。夫飲邪已去。津液暴竭而思得水。設不得則津亡而氣亦耗。故當急與。而嘔吐之餘。中氣未復。不能勝水。設過與之。則舊飲方去。新飲復生。故宜猪苓散以崇土而逐水也。

猪苓散方

猪苓

茯苓

白朮

各等分

右三味杵爲散。飲服方寸匕。日三服。

嘔而脉弱。小便復利。身有微熱。見厥者難治。四逆湯主之。

脉弱便利而厥。爲內虛且寒之候。則嘔非火邪。而是陰氣之上逆。熱非實邪。而是陽氣之外越矣。故以四逆湯救陽驅陰爲主。然陰方上衝而陽且外走。其難決之勢。有未可卽爲順接者。故曰難治。或云嘔與身熱爲邪實。厥利脉弱爲正虛。虛實互見。故曰難治。四逆湯舍其標而治其本也。亦通。

#### 四逆湯方

附子

一枚  
生用

乾薑

半兩

甘草

二兩  
炙

右二味以水三升煮取一升二合去滓分溫再服強人可大附子一枚乾薑三兩

嘔而發熱者小柴胡湯主之。

嘔而發熱邪在少陽之經欲止其嘔必解其邪小柴胡則和解少陽之正法也。

小柴胡湯方

柴胡

半觔

半夏

一升

黃芩

人參

甘草

生姜

各三兩

大棗

十二枚

右七味以水一斗煮取六升去滓再煎取三升溫服一升日三服

胃反嘔吐者。大半夏湯主之。

胃反嘔吐者。胃虛不能消穀。朝食而暮吐也。又胃脉本下行。虛則反逆也。故以半夏降逆。人參白蜜益虛安中。東垣云。辛藥生薑之類。治嘔吐。但治上焦氣壅。表實之病。若胃虛穀氣不行。胸中閉塞而嘔者。惟宜益胃。推揚穀氣而已。此大半夏湯之旨也。

大半夏湯方

半夏二升

人參三兩

白蜜一升

右三味以水一斗二升和蜜揚之二百四十遍。煮藥取三升。半溫服一升。餘分再服。

食已卽吐者。大黃甘艸湯主之。

經云。清陽出上竅。濁陰出下竅。本乎天者親上。本乎地者親下也。若下旣不通。必反上逆。所謂陰陽反作。氣逆不從。食雖入胃。而氣反出之矣。故以大黃通其大便。使濁氣下行。濁道而嘔吐自止。不然。止之降之。無益也。東垣通幽湯治幽門不通。上衝吸門者。亦是此意。但有緩急之分耳。

再按經云。陽氣者。閉塞。地氣者。冒明。雲霧不精。則上應白露不下。夫陽氣。天氣也。天氣閉。則地氣干矣。雲霧出於地。而雨露降於天。地不承。則天不降矣。可見



天地陰陽同此氣機。和則俱和。乖則並乖。人與天地  
相參。故肺氣象天。病則多。及二陰脾胃大小腸象地。  
病則多。及上竅丹溪治小便不通。用吐法以開提肺  
氣。使上竅通。而下竅亦通。與大黃甘州湯之嘔吐法  
難異而理可通也。

大黃甘州湯方

大黃

四兩

甘州

一兩

右二味以水三升煮取一升分溫再服

胃反吐而渴欲飲水者。茯苓澤瀉湯主之。

猪苓散治吐後飲水者。所以崇土氣勝水氣也。茯苓

澤瀉湯治吐未已而渴欲飲水者。以吐未已。知邪未去。則宜桂枝甘薑散邪氣。苓朮澤瀉消水氣也。

茯苓澤瀉湯方

茯苓 半觔 澤瀉 四兩 甘艸 各二兩

白朮 三兩 生薑 四兩

右六味以水一斗煮取三升。內澤瀉再煮取二升半。溫服八合。日三服。

吐後渴欲得水而食飲者。文蛤湯主之。兼主微風脈緊頭痛。

吐後水去熱存。渴欲得水。與前猪苓散證同。雖後食。

飲亦止。熱甚而然耳。但與除熱導水之劑足矣。乃復用麻黃杏仁等發表之藥者。必兼有客邪鬱熱於肺不解故也。觀方下云。汗出即愈。可以知矣。曰兼主微風脉緊頭痛者。以麻杏甘石。木擅驅風發表之長耳。

文蛤湯方

文蛤 五兩

麻黃

甘草

生薑 各三兩

石膏 五兩

杏仁 五十粒  
大棗 十二枚

右七味。以水六升。煮取二升。溫服一升。汗出即愈。乾嘔吐逆。吐涎沫。半夏乾薑散主之。

乾嘔吐逆。胃中氣逆也。吐涎沫者。上焦有寒。其口多

涎也。與前乾嘔吐涎沫頭痛不同。彼爲厥陰陰氣上逆。此是陽明寒涎逆氣不下而已。故以半夏止逆消涎。乾薑溫中和胃。漿水甘酸調中引氣止嘔噦也。

半夏乾姜散方

半夏

乾姜各等分

右二味杵爲散。取方寸匕漿水一升半煮取七合頓服之。

病人胸中似喘不喘。似嘔不嘔。似噦不噦。微心中憤憤無奈者。生薑半夏湯主之。

寒邪搏飲結於胸中而不得出。則氣之呼吸往來出

入升降者阻矣。似喘不喘，似嘔不嘔，似噦不噦，皆寒飲與氣相搏互擊之證也。且飲水邪也，心陽藏也，以水邪而逼處心藏，欲却不能欲，受不可則微心中憤憤然無奈也。生薑半夏湯，即小半夏湯，而生薑用汁，則降逆之力少，而散結之力多，乃正治飲氣相搏欲出不出者之良法也。

生薑半夏湯方

半夏

半升

生薑

汁一升

右二味以水三升煮半夏取二升內生薑汁煮取一升半小冷分四服日三夜一嘔止停後服

乾嘔噦若手足厥者橘皮湯主之

乾嘔噦非反胃手足厥非無陽胃不和則氣不至於四肢也橘皮和胃氣生姜散逆氣氣行胃和嘔噦與厥自已未可便認陽虛而遽投溫補也

橘皮湯方

橘皮 四兩  
生薑 半斤

右二味以水七升煮取三升溫服一升下咽即愈

噦逆者橘皮竹茹湯主之

胃虛而熱乘之則作噦逆橘皮生薑和胃散逆竹茹除熱止嘔噦人參甘艸大棗益虛安中也

橘皮竹茹湯方

橘皮 二觔

竹茹 二升

大棗 三十枚

生姜 半觔

甘草 五兩

人參 一兩

右六味以水一斗煮取三升溫服一升日三服

夫六腑氣絕於外者手足寒上氣腳縮五臟氣絕於內者利不禁下甚者手足不仁

六腑爲陽陽者主外陽絕不通於外爲手足寒陽不外通則并而上行爲上氣腳縮也五藏爲陰陰者主內陰絕不守於內則下利不禁甚者不交於陽而隨道痺閉爲手足不仁也

下利脉沉弦者下重。脉大者爲未止。脉微弱數者爲欲  
自止。雖發熱不死。

沉爲裏爲下。沉中見弦爲少陽之氣滯於下而不得  
越。故下重。大爲邪盛。又大則病進。故爲未止。徐氏曰。  
微弱者。正邪亦衰也。數爲陽脉。於微弱中見之。則  
爲陽氣將復。故知利欲自止。雖有身熱。勢必自巳。不  
得比於下利熱不止者死之例也。

下利手足厥冷。無脉者。灸之不溫。若脉不還。反微喘者  
死。少陰負跌陽者爲順也。

下利厥冷無脉。陰亡而陽亦絕矣。灸之所以引旣絕



之陽。乃厥不四。脉不還。而反微喘。殘陽上奔。大氣下脫。故死。下利爲土負水勝之病。少陰負趺陽者。水負而土勝也。故曰順。

下利有微熱而渴。脉弱者。今自愈。下利脉數。有微熱汗出。今自愈。設脉緊爲未解。下利脉數而渴者。今自愈。設不差。必圜膿血。以有熱故也。下利脉反弦。發熱身汗者。愈。

微熱而渴者。胃陽復也。脉弱者。邪氣衰也。正復邪衰。故今自愈。脉數亦陽復也。微熱汗出者。氣方振而勢外達。亦爲欲愈之候。設脉緊則邪尙盛。必能與正

相爭故爲未解。脉數而渴。陽氣已復。亦下利。有微熱而渴之意。然脉不弱而數。則陽之復者已過。陰寒雖解而熱氣轉增。將更傷陰而圓膿血也。弦脉陰陽兩屬。若與發熱身汗並見。則弦亦陽也。與脉數有微熱汗出正同。故愈。

按上數條皆是傷寒邪氣入裏之候。故或熱或渴或汗出或脉數。陽氣旣復。邪氣得達則愈。若雜病濕熱下利之證。則發熱口渴脉數均非美證。內經云。下利身熱者死。仲景云。下利手足不逆冷。反發熱者不死。蓋內經所言者。雜病濕熱下利之證。仲景所言者。傷

寒陰邪內入之證二者不可不分也。

下利氣者當利其小便。

下利氣者氣隨利失卽所謂氣利是也。小便得利則氣行於陽不行於陰而愈故曰當利其小便。喻氏所謂急開支河者是也。

下利寸脉反浮數尺中自濡者必圜膿血。

寸浮數者陽邪強也。尺中濡者陰氣弱也。以強陽而加弱陰必圜膿血。

下利清穀不可攻其表汗出必脹滿。

清與圜同卽完穀也是爲裏虛氣寒乃不溫養中土。

而反攻令汗出則陽氣重虛。陽虛者氣不化故脹滿。下利脉沉而遲其人面少赤身有微熱下利清穀者必鬱冒汗出而解病人必微厥所以然者其面戴陽下虛故也。

喻氏曰下利脉沉遲而面少赤身微熱者陰盛而格陽在上在外也。若其人陽尚有根其格出者終必復返陽返而陰未肯降必鬱冒少頃然後陽勝而陰出爲汗陰出爲汗陰邪乃解自不下利矣。陽入陰出儼有龍戰於野其血玄黃之象病人能無微厥乎。

下利後脉絕手足厥冷晬時脉還手足溫者生脉不還

者死

下利後脉絕手足厥冷者陰先竭而陽後脫也是必俟其時經氣一週其脉當還其手足當溫設脉不還其手足亦必不溫則死之事也

下利後腹脹滿身體疼痛者先溫其裏乃攻其表溫裏宜四逆湯攻表宜桂枝湯

下利腹脹滿裏有寒也身體疼痛表有邪也然必先溫其裏而後攻其表所以然者裏氣不充則外攻無力陽氣外泄則裏寒轉增自然之勢也而四逆用生附則寓發散於溫補之中桂枝有甘芍則兼固裏於

散邪之內。仲景用法之精如此。

四逆湯方見上

桂枝湯方

桂枝

白芍

甘草

生薑

各三兩

大棗十枚

右五味㕮咀以水七升微火煮取三升去滓。道寒溫服一升。服已須臾啜稀熱粥一升以助藥力。溫覆令一時許。遍身絳絳微似有汗者益佳。不可令如水流。漓病必不除。若一服汗出病差。停後服。

下利三部脈皆平。按之心下堅者。急下之。宜大承氣湯。

下利脉遲而滑者實也。利未欲止急下之。宜大承氣湯。  
下利脉反滑者當有所去。下乃愈。宜大承氣湯。  
下利已差。至其年月日時復發者。以病不盡故也。當下之。宜大承氣湯。

下利有裏虛臟脫者。亦有裏實府閉者。昔人所謂利者不利是也。按之心下堅其證的矣。脉雖不實大而亦未見微弱。自宜急下。使實去則利止。通因通用之法也。脉遲爲寒。然與滑俱見則不爲寒而反爲實。以中實有物能阻其脉行之機也。夫利因實而致者。實不去則利不已。故宜急下。病已差而至其時復

發者。陳積在脾也。脾主信。故按期復發。是當下之。令陳積去。則病本拔而愈。

大承氣湯方 見瘕

下利譫語者。有燥屎也。小承氣湯主之。

譫語者。胃實之徵。爲有燥屎也。與心下堅。脈滑者。大。同。然前用大承氣者。以因實而致利。去之惟恐不速也。此用小承氣者。以病成而適實。攻之恐傷及其正也。

小承氣湯方

大黃

四兩

枳實

三枚

厚朴

三兩



右三味以水四升煮取一升二合去滓分溫二服得  
利則止

下利便膿血者。桃花湯主之。

此治溫寒內淫藏氣不固。膿血不止者之法。赤石脂  
理血固脫。乾薑溫胃驅寒。粳米安中益氣。崔氏去粳  
米加黃連當歸。用治熱利。乃桃花湯之變法也。

桃花湯方

赤石脂

一斤一半全  
用一半篩末

乾薑

一兩

粳米

一升

右三味以水七升煮米熟去滓溫服七合內赤石脂  
末方寸七日三服若一服愈餘勿服

熱利下重者。白頭翁湯主之。

此治濕熱下注。及傷寒熱邪入裏作利者之法。白頭翁湯苦以除濕。寒以勝熱也。

白頭翁湯方

白頭翁

黃連

黃柏

秦皮

各三兩

右四味以水七升煮取三升去滓溫服一升不愈更服

下利後更煩。按之心下濡者。爲虛煩也。梔子豉湯主之。  
下利後更煩者。熱邪不從下減而復上動也。按之心下濡則中無阻滯可知。故曰虛煩。香豉梔子能撤熱

而除煩得吐則熱從上出而愈因其高而越之之意

梔子豉湯方

梔子

十四枚擘

香豉

四合綿裹

右二味以水四升先煮梔子得二升半內豉煮取一升半去滓分二服溫進一服得吐則愈

下利清穀裏寒外熱汗出而厥通脈四逆湯主之

裏熱下利者久則必傷脾陰中寒清穀者甚則并傷腎陽裏寒外熱汗出而厥有陰內盛而陽外亡之象通脈四逆卽四逆加乾姜一倍所謂進而求陽以收

散亡之氣也。

通脉四逆湯方

附子

一枚生用

乾薑

三兩強人可四兩

甘草

二兩炙

右三味以水三升煮取一升二合去滓分溫再服一

下利肺痛紫參湯主之。

趙氏曰大腸與肺合。大抵腸中積聚則肺氣不行。肺有所積。大腸亦不固。二害互爲病。大腸病而氣塞於肺者痛。肺有積者亦痛。痛必通用紫參通九竅利大小腸。氣通則痛愈。積去則利自止。喻氏曰後人有疑此非仲景之方者。夫詎知腸胃有病。其所關全在肺。

氣耶。程氏疑是腹痛。本艸云。紫參治心腹積聚。寒熱邪氣。

紫參湯方

紫參 半斤

甘艸 三兩

右二味以水五升先煮紫參取二升內甘艸煮取一升半分溫三服

氣利訶黎勒散主之

氣利氣與屎俱失也。訶黎勒。瀉腸而利氣。粥飲安中益腸胃。頓服者。補下治下制以急也。

訶黎勒散方

訶黎勒十枚

右一味爲散粥飲和頓服

附方

千金翼小承氣湯治大便不通噦數譫語上方見  
外臺黃芩湯治乾嘔下利

此與前黃芩加半夏生姜湯治同而無芍藥甘草生  
薑有人參桂枝乾薑則溫裏益氣之意居多凡中寒  
氣少者可於此取法焉其小承氣湯卽前下利譫語  
有燥屎之法雖不贅可也

黃芩

人參

乾薑

各三兩

桂枝

兩

大棗

十二枚

半夏

半升

右六味以水七升煮取三升溫分三服

瘡癰腸癰浸淫病脉證并治第十八

諸浮數脉應當發熱而反洒淅惡寒若有痛處當發其  
癰師曰諸癰腫欲知有膿無膿以手掩腫上熱者爲有  
膿不熱者爲無膿

浮數脉皆陽也陽當發熱而反洒淅惡寒者衛氣有  
所遏而不出也夫衛主行榮氣者也而榮過實者反  
能阻遏其衛若有痛處則榮之實者已兆故曰當發  
其癰癰腫之候膿不成則毒不化而毒不聚則膿必

不成。故以手掩其腫上。熱者毒已聚。則有膿。不熱者一毒不聚。則無膿也。

腸癰之爲病。其身甲錯。腹皮急。按之濡。如腫狀。腹無積聚。身無熱。脉數。此爲腸內有癰膿。薏苡附子敗醬散主之。

甲錯。肌皮乾起如鱗甲之交錯。由榮滯於中。故血燥於外也。腹皮急。按之濡。氣雖外鼓。而病不在皮間也。積聚爲腫脹之根。脉數爲身熱之候。今腹如腫狀。而中無積聚。身不發熱。而脉反見數。非腸內有癰。榮鬱成熱。而何。薏苡破毒腫。利腸胃。爲君。敗醬一名苦菜。



治暴熱火瘡排膿破血爲臣附子則假其辛熱以行鬱滯之氣爾。

薤苳附子敗醬散方

薤苳仁 十分 附子 二分 敗醬 五分

右三味杵爲散取方寸匕以水二升煎減半頓服小便當下

腫難者少腹腫痞按之卽痛如淋小便自調時時發熱自汗出復惡寒其脉遲緊者膿未成可下之脉洪數者膿已成不可下也大黃牡丹湯主之

腫難疑卽腸癰之在下者蓋前之癰在小腸而此之

雖在大腸也。大腸居小腸之下。逼處膀胱。致小腹腫痞。按之卽痛如淋。而實非膀胱爲害。故仍小便自調也。小腸爲心之合。而氣通於血脈。大腸爲肺之合。而氣通於皮毛。故彼脉數身無熱。而此時時發熱自汗出。復惡寒也。脉遲緊者。邪暴過而榮未變。云可下者。謂可下之。令其消散也。脉洪數者。毒已聚而榮氣腐。云不可下者。謂雖下之。而亦不能消之也。大黃牡丹湯。腸癰已成未成。皆得主之。故曰有膿當下。無膿當下血。

大黃牡丹湯

大黃 四兩

牡丹 一兩

桃仁 五十個

冬瓜仁 半升

芒硝 三合

右五味以水六升煮取一升去滓內芒硝再煎沸頓服之有膿當下如無膿當下血

問曰寸口脉浮微而濇法當亡血若汗出設不汗出者云何曰若身有瘡被刀斧所傷亡血故也

血與汗皆陰也陰亡則血流不行而氣亦無輔故脉一浮微而濇也經云奪血者無汗奪汗者無血茲不汗出而身有瘡則知其被刀斧所傷而亡其血與汗出不止者迹雖異而理則同也

金瘡。王不留行散主之。

金瘡。金刃所傷而成瘡者。經脈斬絕。榮衛沮弛。治之者。必使經脈復行。榮衛相貫而後已。王不留行散。則行氣血和陰陽之良劑也。

王不留行散方

王不留行

十分八分  
八日采

蒴藿細葉

十分七分  
七日采

甘草

十八分

桑東南根

白皮十分三分  
三日采

黃芩

二分

川椒

三分

厚朴

二分

乾薑

二分

芍藥

二分

右九味。王不留行。蒴藿。桑皮。三味。燒灰存性。各別杵。篩合治之。爲散服。方寸匕。小瘡卽粉之。大瘡但服之。

產後亦可服

排膿散方

枳實

十六枚

芍藥

六分

桔梗

二分

右三味杵爲散取雞子黃一枚以藥散與雞黃相等揉和令相得飲和服之日一服

枳實苦寒除熱破滯爲君得芍藥則通血得桔梗則利氣而尤賴雞子黃之甘潤以爲排膿化毒之本也

排膿湯方

甘草

二兩

桔梗

三兩

生薑

一兩

大棗

十枚

右四味以水三升煮取一升溫服五合日再服

此亦行氣血和榮衛之劑。

浸淫瘡。從口起。流向四肢者。可治。從四肢流來入口者。不可治。浸淫瘡。黃連粉主之。

浸淫瘡。義如藏府經絡篇中。黃連粉方。未見大意。以此爲濕熱浸淫之病。故取黃連一味爲粉。粉之苦以燥濕。寒以除熱也。

跌蹶手指臂腫轉筋狐疝虵蟲病脉證治第十九  
師曰病跌蹶其人但能前不能却刺膈入二寸此太陽  
經傷也。

人身經絡陽明行身之前太陽行身之後太陽傷故  
不能却也太陽之脉下貫膈內刺之所以和利其經  
脉也。膈足肚也。

病人常以手指臂腫動此人身體瞶瞶者。蒸蘆甘草湯  
主之。

濕痰凝滯關節則腫風邪襲傷經絡則動手指臂腫  
動身體瞶瞶者風痰在膈攻走肢體陳無擇所謂痰

涎留在胸膈上下。變生諸病。手足項背。牽引釣痛。走  
易不定者是也。熬蘆吐上膈風痰。甘草亦能取吐。方  
雖未見。然大畧是湧劑耳。李氏

轉筋之爲病。其人臂脚直。脉上下行。微弦。轉筋入腹者。  
雞屎白散主之。

肝主筋。上應風氣。肝病生風。則爲轉筋。其人臂脚直。  
脉上下行。微弦。經云。諸暴強直。皆屬於風也。轉筋入  
腹者。脾土虛而肝木乘之也。雞爲木畜。其屎反利脾  
氣。故取治是病。且以類相求。則尤易入也。

雞屎白散方



雞屎白爲散取方寸七以水六合和溫服

陰狐疝氣者偏有小大時時上下蜘蛛散主之

陰狐疝氣者寒濕襲陰而睪丸受病或左或右大小不同或上或下出沒無時故名狐疝蜘蛛有毒服之能令人利合桂枝辛溫入陰而逐其寒濕之氣也

### 蜘蛛散方

蜘蛛

十四枚熬焦

桂枝半兩

右二味爲散取八分一匕飲和服日再蜜丸亦可

問曰病腹痛有蟲其脉何以別之師曰腹中痛其脉當沉若弦反洪大故有虵蟲

腹痛脉多伏。陽氣內閉也。或弦者。邪氣入中也。若反洪大。則非正氣。與外邪爲病。乃虵動而氣厥也。然必兼有吐涎心痛等證。如下條所云。乃無疑耳。

虵蟲之爲病。令人吐涎心痛。發作有時。毒藥不止者。甘草粉蜜湯主之。

吐涎。吐出清水也。心痛。痛如咬噬。時時上下是也。發作有時者。虵飽而靜。則痛立止。虵飢求食。則痛復發也。毒藥。卽錫粉雷丸等殺蟲之藥。毒藥者。折之以其所惡也。甘草粉蜜湯者。誘之以其所喜也。白粉。卽鉛白粉。能殺三蟲。而雜於甘草白蜜之中。誘使蟲食。甘

味既盡。毒性旋發。而蟲患乃除。此醫藥之變詐也。

甘草粉蜜湯方

甘草 二兩

白粉 一兩

白蜜 四兩

右三味以水三升先煮甘草取二升去滓內粉蜜攪令  
和煎如薄粥溫服一升差卽止

蚘厥者當吐蚘。令病者靜而復時煩。此爲藏寒。蚘上入  
其膈。故煩。須臾復止。得食而嘔。又煩者。蚘聞食臭出。其  
人當自吐蚘。蚘厥者。烏梅丸主之。

蚘厥。蚘動而厥。心痛吐涎手足冷也。蚘動而上逆。則  
當吐蚘。蚘躔安而復動。則病亦靜而復時煩也。然蚘

之所以時安而時上者何也。蟲性喜溫。藏寒則蟲不安。而上膈蟲喜得食。藏虛則虵復上而求食。故以人參薑附之屬。益虛溫胃爲主。而以烏梅椒連之屬。苦酸辛氣味。以折其上入之勢也。

烏梅丸方

烏梅

三百

細辛 六兩

乾薑 十兩

黃連 一斤

當歸

川椒 各四兩

附子 炮

桂枝

人參

黃栢 各六兩

右十味。異搗篩。合治之。以苦酒漬烏梅一宿。去核。蒸之。五升米下飯熟。搗成泥。和藥。令相得。內臼中。與蜜。

并二千下丸如梧子大先食飲服十九日三服稍增  
至二十九禁生冷滑臭等食

婦人妊娠病脈證治第二十

師曰婦人得平脈陰脈小弱其人渴不能食無寒熱名妊娠桂枝湯主之。於法六十日常有此證設有醫治逆者却一月加吐下者則絕之。

平脈脈無病也。卽內經身有病而無邪脈之意。陰脈小弱者初時胎氣未盛而陰方受蝕故陰脈比陽脈小弱。至三四月經血久畜陰脈始強內經所謂手少陰脈動者妊子。千金所謂三月尺脈數是也。其人渴妊子者內多熱也。一作嘔亦通。今妊婦二三月往往惡阻不能食是已。無寒熱者無邪氣也。夫脈無故而

身有病。而又非寒熱邪氣。則無可施治。惟宜桂枝湯和調陰陽而已。徐氏云。桂枝湯外證得之。爲解肌和榮衛。內證得之。爲化氣調陰陽也。六十日當有此證者。謂妊娠兩月。正當惡阻之時。設不知而妄治。則病氣反增。正氣反損。而嘔瀉有加矣。絕之。謂禁絕其醫藥也。婁全善云。嘗治一二婦惡阻病吐。前醫愈治愈吐。因思仲景絕之之旨。以炒糯米湯代茶。止藥月餘。漸安。

婦人宿有癥病。經斷未及三月。而得漏下不止。胎動在臍上者。此爲癥痼害。妊娠六月動者。前三月經水利時。

胎也。下血者。後斷三月。血不止者。其癥不去。故也。當下其癥。桂枝茯苓丸主之。

癥。舊血所積。爲宿病也。癥。癥害者。宿病之氣。害其胎氣也。於法。妊娠六月。其胎當動。今未三月。胎不當動。而忽動者。特以癥。癥害之之故。是六月動者。胎之常。三月動者。胎之變也。夫癥病之人。其經月當不利。經不利。則不能受胎。茲前三月。經水適利。胞宮淨而胎可結矣。胎結。故經斷不復下。乃未三月而血仍下。亦以癥。癥害之之故。是血留養胎者。其常。血下不止者。其變也。要之。其癥不去。則血必不守。血不守。則胎



終不安。故曰當下其藏。桂枝茯苓丸下藏之力。頗輕且緩。蓋恐峻厲之藥。將并傷其胎氣也。

桂枝茯苓丸方

桂枝

茯苓

丹皮

桃仁

去皮  
尖熬

芍藥

各等分

右五味末之。煉蜜丸。如兔屎大。每日食前服一九。不知加至三九。

婦人懷妊六七月。脉弦發熱。其胎愈脹。腹痛惡寒。少腹如扇。所以然者。子藏開故也。當以附子湯溫其藏。脉弦發熱。有似表邪。而乃身不痛而腹反痛。背不腰

寒而腹反惡寒。甚至少腹陣陣作冷。若或扇之者。然所以然者。子藏開不能合。而風冷之氣乘之也。夫藏開。風入。其陰內勝。則其脉弦爲陰氣。而發熱且爲格陽矣。胎脹者。胎熱則消。寒則脹也。附子湯方未見然。溫裏散寒之意。槩可推矣。

師曰。婦人有漏下者。有半產後因續下血。都不絕者。有妊娠下血者。假令妊娠腹中痛。爲胞阻。膠艾湯主之。婦人經水淋瀝。及胎產前後下血不止者。皆衝任脉虛。而陰氣不能守也。是惟膠艾湯爲能補而固之中。有芎歸能於血中行氣。艾葉利陰氣。止痛安胎。故亦

治妊娠胞阻。胞阻者。胞脉阻滯。血少而氣不行也。

膠艾湯方

乾地黄

六兩

川芎

阿膠

甘草

各二兩

艾葉

當歸

各三兩

芍藥

四兩

右七味以水五升清酒三升合煮取三升去滓內膠  
令消盡溫服一升日三服不差更作  
婦人懷妊腹中疴痛當歸芍藥散主之

按說文疴音絞腹中急也。乃血不足而水反侵之也。  
血不足而水侵則胎失其所養而反得其所害矣。腹  
中能無疴痛乎。芍歸芍藥益血之虛。苓朮澤瀉除水

之氣。趙氏曰。此因脾土爲木邪所客。穀氣不舉。濕氣下流。搏於陰血而痛。故用芍藥多他藥數倍。以瀉肝木。亦通。

當歸芍藥散方

當歸

川芎

各三兩

芍藥 一斤

茯苓

白朮

各四兩

澤瀉

半斤

右六味杵爲散。取方寸匕。酒和。日三服。

妊娠嘔吐不止。乾薑人參半夏丸主之。

此益虛溫胃之法。爲妊娠中虛而有寒飲者設也。夫陽明之脈順而下行者也。有寒則逆。有熱亦逆。逆則

飲必從之。而妊娠之體精凝血聚。每多蘊而成熱者矣。按外臺方。青竹茹。橘皮。半夏各五兩。生薑茯苓各四兩。麥冬人參各三兩。爲治胃熱氣逆嘔吐之法。可補仲景之未備也。

乾薑人參半夏丸方

乾薑

人參

各一兩

半夏

二兩

右三味末之。以生薑汁糊爲丸。梧子大。飲服十丸。日三服。

妊娠小便難。飲食如故。當歸貝母苦參丸主之。

小便難而飲食如故。則病不出中焦出。而又無腹滿。

身重等證。則更非水氣不行。知其血虛熱鬱而津液  
瀀少也。本草當歸補女子諸不足。苦參入陰利竅除  
伏熱。貝母能療鬱結。兼清水液之源也。

當歸貝母苦參丸方

當歸

貝母

苦參

各四兩

右三味末之。煉蜜丸如小豆大。飲服三丸。加至十丸。  
妊娠有水氣。身重。小便不利。洒淅惡寒。起卽頭眩。葵子  
茯苓散主之。

妊娠小便不利。與上條同。而身重惡寒頭眩。則全是  
水氣爲病。視虛熱液少者。霄壤懸殊矣。葵子茯苓滑

竅行水。水氣既行。不淫肌體。身不重矣。不侵衛陽。不惡寒矣。不犯清道。不頭眩矣。經曰。有者求之。無者求之。盛虛之變。不可不審也。

葵子茯苓散方

葵子一升 茯苓三兩

右二味杵爲散。飲服方寸匕。日二服。小便利則愈。婦人妊娠宜常服。當歸散主之。

妊娠之後。最慮濕熱傷動胎氣。故於芎歸芍藥養血之中。用白朮除濕。黃芩除熱。并溪桐黃。芩白朮爲安胎之聖藥。夫芩朮非能安胎者。去其濕熱而胎自安。

耳

當歸散方

當歸

黃芩

芍藥

川芎

各一斤

白朮 半斤

右五味杵爲散酒服方寸匕日再服妊娠常服卽易產胎無疾苦產後百病悉主之

妊娠養胎白朮散主之

妊娠傷胎有因濕熱者亦有因濕寒者隨人藏氣之陰陽而各異也當歸散正治濕熱之劑白朮散白朮牡蠣燥濕川芎溫血蜀椒去寒則正治濕寒之劑也



仲景竝列於此。其所以詔示後人者深矣。

白朮散方

白朮

川芎

蜀椒

三分  
去汗

牡蠣

右四味杵爲散酒服一錢七日三服夜一服但苦痛  
加芍藥心下毒痛倍加芎藭心煩吐痛不能食飲加  
細辛一兩半夏大者二十枚服之後更以醋漿水服  
之若嘔以醋漿水服之復不解者小麥汁服之已後  
渴者大麥粥服之病雖愈服之勿置

婦人傷胎懷身腹滿不得小便從腰以下重如有水狀  
懷身七月太陰當養不養此心氣實當刺寫勞宮及關

元。小便微利則愈。

傷胎胎傷而病也。腹滿不得小便從腰以下重。如有水氣而實非水也。所以然者。心氣實故也。心君火也。爲肺所畏。而妊娠七月。肺當養胎。心氣實則肺不敢降。而胎失其養。所謂太陰當養不養也。夫肺主氣化者也。肺不養胎。則胞中之氣化阻。而水乃不行矣。腹滿便難。身重職是故也。是不可治其肺。當刺勞宮以寫心氣。刺關元以行水氣。使小便微利。則心氣降。心降而肺自行矣。勞宮心之穴。關元腎之穴。

婦人產後病脉證治第二十一

問曰。新產婦人有三病。一者病瘕。二者病鬱胃。三者大便難。何謂也。師曰。新產血虛多汗出。喜中風。故令病瘕。亡血復汗。寒多。故令鬱胃。亡津液胃燥。故大便難。

瘕。筋病也。血虛汗出。筋脉失養。風入而益其勁也。鬱胃。神病也。亡陰血虛。陽氣遂厥。而寒復鬱之。則頭眩而目瞀也。大便難者。液病也。胃藏津液而滲灌諸陽。亡津液胃燥。則大腸失其潤而便難也。三者不同。其爲亡血傷津。則一。故皆爲產後所有之病。

產婦鬱胃。其脉微弱。嘔不能食。大便反堅。但頭汗出。所

以然者。血虛而厥。厥而必冒。胃家欲解。必大汗出。以血虛下厥。孤陽上出。故頭汗出。所以產婦喜汗出者。亡陰血虛。陽氣獨盛。故當汗出。陰陽乃復。大便堅。嘔不能食。小柴胡湯主之。

鬱冒雖有客邪。而其本則爲裏虛。故其脉微弱也。嘔不能食。大便反堅。但頭汗出。津氣上行而不下逮之象。所以然者。亡陰血虛。孤陽上厥。而津氣從之也。厥者必冒。胃家欲解。必大汗出者。陰陽乍離。故厥而冒。及陰陽復通。汗乃大出而解也。產婦新虛。不宜多汗。而此反喜汗出者。血去陰虛。陽受邪氣。而獨盛汗出。

則邪去陽弱而後與陰相和所謂損陽而就陰是也  
小柴胡主之者以邪氣不可不散而正虛不可不鎮  
惟此法爲能解散客邪而和利陰陽耳

小柴胡湯方

見嘔吐

病解能食七八日更發熱者此爲胃實宜大承氣湯主之

病解能食謂鬱胃解而能受食也至七八日更發熱  
此其病不在表而在裏不屬虛而屬實矣是宜大承  
氣以下裏實

大承氣湯方

見瘕

產後腹中疝痛。當歸生薑羊肉湯主之。兼主腹中寒疝。虛勞不足。

產後腹中疝痛。與妊娠腹中疝痛不同。彼爲血虛而濕。擾於內。此爲血虛而寒。動於中也。當歸生薑溫血散寒。孫思邈云。羊肉止痛利產婦。

當歸生薑羊肉湯方

見寒疝

產後腹痛。煩滿不得臥。枳實芍藥散主之。

產後腹痛。而至煩滿不得臥。知血鬱而成熱。且下病而碍上也。與虛寒疝痛不同矣。枳實燒令黑。能入血行滯。同芍藥爲和血止痛之劑也。

枳實芍藥散方

枳實

燒令黑勿太過芍藥等分

右二味杵爲散服方寸匕日三服并主癰膿大麥粥下之

師曰產婦腹痛法當以枳實芍藥散假令不愈者此爲腹中有瘀血着臍下宜下瘀血湯主之亦主經水不利腹痛服枳實芍藥而不愈者以有瘀血在臍下着而不去是非攻堅破積之劑不能除矣大黃桃仁蟅蟲下血之力頗猛用蜜丸者緩其性不使驟發恐傷上二焦也酒煎頓服者補下治下制以急且去疾惟恐

不盡也。

下瘀血湯方

大黃 三兩

桃仁 二十

蟅蟲 二十枚  
去足熬

右三味末之煉蜜和爲四丸以酒一升煮一丸取八合頓服之

新血下如豚肝

產後七八日無太陽證少腹堅痛此惡露不盡不大便煩躁發熱切脉微實更倍發熱日晡時煩躁者不食食則譫語至夜卽愈宜大承氣湯主之熱在裏結在膀胱也。

無太陽證者無頭痛惡寒之表證也產後七八日少



腹堅痛惡露不盡。但宜行血去瘀而已。然不大便。煩躁發熱。脉實則胃之實也。日晡爲陽明旺時。而煩躁甚於他時。又胃熱之驗也。食氣入胃。長氣於腸。食入而助胃之熱。則譫語。至夜陽明氣衰。而譫語愈。又胃熱之驗也。故曰熱在裏。結在膀胱。裏卽陽明。膀胱卽少腹。蓋謂不獨血結於下。而亦熱聚於中也。若但治其血而遺其胃。則血雖去。而熱不除。卽血亦未必能去。而大承氣湯中。大黃枳實。均爲血藥。仲景取之者。蓋將一舉而兩得之歟。

產後風續續數十日不解。頭微疼。惡寒。時時有熱。心下

全日八十一  
陽旦證續在者。可與陽旦湯。

產後中風。至數十日之久。而頭疼寒熱等證不解。是未可卜度其虛。而不與解之散之也。陽旦湯治傷寒太陽中風挾熱者。此風久而熱續在者。亦宜以此治之。夫審證用藥。不拘日數。表裏既分。汗下斯判。上條裏熱成實。雖產後七八日。與大承氣而不傷於峻。此條表邪不解。雖數十日之久。與陽旦湯而不慮其散。非通於權變者。未足以語此也。

陽旦湯方

卽桂枝湯  
加黃芩

產後中風發熱面正赤。喘而頭痛。竹葉湯主之。

此產後表有邪而裏適虛之證。若攻其表則氣浮易脫。若補其裏則表多不服。竹葉湯用竹葉、葛根、桂枝、防風、桔梗、解外之風熱。參附子固裏之脫。甘草、薑、棗以調陰陽之氣而外其邪。乃表裏兼濟之法。凡風熱外淫而裏氣不固者宜於此取則焉。

竹葉湯方

竹葉 一把

葛根 三兩

防風

桔梗

桂枝

人參

甘草

各一兩

附子 一枚  
炮

生薑 五兩

大棗 十五枚

右十味以水一斗煮取二升半分溫三服覆使汗出

頭項強用大附子一枚破之如豆大前藥揚去沫嘔者加半夏半升洗

婦人乳中虛煩亂嘔逆安中益氣竹皮大丸主之

婦人乳中虛煩亂嘔逆者乳子之時氣虛火勝內亂而上逆也竹茹石膏甘寒清胃桂枝甘草辛甘化氣白薇性寒入陽明治狂惑邪氣故曰安中益氣

竹皮大丸方

生竹茹

石膏各二分

桂枝

白薇

各一分

甘草

七分

右五味末之棗肉和丸彈子大飲服一九日三夜二

服有熱倍白薇煩喘者加栝實一分

產後下利虛極白頭翁加甘草阿膠湯主之

作寒熱利下重者白頭翁湯主之寒以勝熱苦以燥濕也此亦熱利下重而當產後虛極則加阿膠救陰甘草補中生陽且以緩連蘗之苦也

白頭翁加甘草阿膠湯方

白頭翁

甘草

阿膠

各二兩

秦皮

黃連

蘗皮

各三兩

右六味以水七升煮取二升半內膠令消盡分溫三服

附方

千金三物黃芩湯治婦人在草蓐自發露得風四肢苦煩熱頭痛者與小柴胡湯頭不痛但煩者此湯主之

黃芩

一兩

苦參

二兩

乾地黃

四兩

右三味以水六升煮取二升溫服一升多吐下蟲此產後血虛風人而成熱之證地黃生血苦參黃芩除熱也若頭痛者風未全變爲熱故宜柴胡解之

千金內補當歸建中湯治婦人產後虛羸不足腹中刺痛不止吸吸少氣或苦少腹急痛引腰背不能食飲產後一月日得服四五劑爲善今人強壯宜

當歸 四兩

桂枝

生薑 各三兩

芍藥 六兩

甘草 二兩

大棗 十二枚

右六味以水一斗煮取三升分溫三服一日令盡若大虛加飴糖六兩湯成內之於火上煖令飴消若去血過多崩傷內衄不止加地黃六兩阿膠二兩合八味湯成內阿膠若無當歸以芎藭代之若無生薑以乾薑代之

婦人雜病脉証并治第二十二

婦人中風七八日續來寒熱發作有時經水適斷者此爲熱入血室其血必結故使如瘧狀發作有時小柴胡湯主之。

中風七八日寒熱已止而續來經水纔行而適斷者知非風寒重感乃熱邪與血俱結於血室也熱與血結攻其血則熱亦去然雖結而寒熱如瘧則邪既留連於血室而亦侵淫於經絡設攻其血血雖去邪必不盡且恐血去而邪得乘虛盡入也仲景單用小柴胡湯不雜血藥一味意謂熱邪解而乍結之血自行



耳。

婦人傷寒發熱經水適來。晝日明了。暮則譫語。如見鬼狀者。此爲熱入血室。治之無犯胃氣。及上二焦。必自愈。傷寒發汗過多者。邪氣離表。則入陽明。經水適來者。邪氣離表。則入血室。蓋虛則易入。亦惟虛者能受也。晝日明了。暮則譫語者。血爲陰。暮亦爲陰。陰邪遇陰。乃發也。然熱雖入而血不結。其邪必將自解。治之者。但無犯胃氣。及上二焦。陽氣而已。仲景蓋恐人誤以發熱爲表邪未解。或以譫語爲陽明胃實。而或攻之。或汗之也。

婦人中風發熱惡寒經水適來得之七八日熱除脉遲身涼和胸脇滿如結胸狀讖語者此爲熱入血室也當刺期門隨其實而取之。

熱除脉遲身涼和而讖語者病去表而之裏也血室者衝任之脉肝實主之肝之脉布脇肋上貫膈其支者復從肝別上膈注於肺血行室空熱邪獨勝則不特入於其宮而亦得游其部是以胸脇滿如結胸狀許叔微云邪氣畜血併歸肝經聚於膈中結於乳下以手觸之則痛非湯劑可及故當刺期門期門肝之募隨其實而取之者隨其結之微甚刺而取之也。

陽明病下血譫語者。此爲熱入血室。但頭汗出。當刺期門。隨其實而瀉之。澱然汗出者愈。

陽明之熱從氣而之血。襲入胞宮。卽下血而譫語。蓋衝任之脉竝陽明之經。不必乘經水之來。而後熱得入之。故彼爲血去而熱入。此爲熱入而血下也。但頭汗出者。陽通而閉在陰也。此雖陽明之熱。而傳入血室。則仍屬肝家。故亦當刺期門以瀉其實。刺已周身澱然汗出。則陰之閉者亦通。故愈。

婦人咽中如有炙肉。半夏厚朴湯主之。

此凝痰結氣。阻塞咽嗑之間。千金所謂咽中帖帖如

有炙肉吞不下吐不出者是也。半夏厚朴生薑辛以散結苦以降逆。茯苓佐半夏利痰氣。紫蘇芳香入肺以宣其氣也。

半夏厚朴湯方

半夏

一升

厚朴

三兩

茯苓

四兩

生薑

五兩

蘇葉

二兩

右五味以水一斗煮取四升分溫四服日三夜一服。婦人藏燥喜悲傷欲哭象如神靈所作數欠伸甘麥大棗湯主之。

藏燥沈氏所謂子宮血虛受風化熱者是也。血虛藏

燥則內火擾而神不寧。悲傷欲哭。有如神靈。而實爲  
虛病。前五藏風寒積聚篇。所謂邪哭使魂魄不安者。  
血氣少而屬於心也。數欠伸者。經云。腎爲欠。爲噫。又  
腎病者。善伸數欠。顏黑。蓋五志生火。動必關心。藏陰  
既傷。窮必及腎也。小麥爲肝之穀。而善養心氣。甘草  
大棗。甘潤生陰。所以滋藏氣而止其燥也。

甘麥大棗湯方

甘草

三兩

小麥

一升

大棗

十枚

右三味以水六升煮取三升分溫三服亦補脾氣  
婦人吐涎沫。醫反下之。心下仰痛。當先治其吐涎沫。小

青龍湯主之。涎沫止乃治痞。瀉心湯主之。

吐涎沫上焦有寒也。不與溫散而反下之。則寒內入而成痞。如傷寒下早例也。然雖痞而猶吐涎沫。則上寒未已。不可治痞。當先治其上寒。而後治其中痞。亦如傷寒例。表解乃可攻痞也。

小青龍湯

方見肺癰

瀉心湯

方見驚悸

婦人之病。因虛積冷。結氣爲諸經水斷絕。至有歷年血寒積結。胞門寒傷。經絡凝堅。在上嘔吐涎唾。久成肺癰。形體損分。在中盤結。繞臍寒疝。或兩脇疼痛。與藏相連。

或結熱中。痛在關元。脉數無瀋。肌若魚鱗。時著男子。非止女身。在下來多。經候不勻。令陰掣痛。少腹惡寒。或引腰脊。下根氣衝。氣衝急痛。膝脰疼煩。奄忽眩冒。狀如厥。或。或有憂慘。悲傷多嘔。此皆帶下。非有鬼神。久則羸瘦。脉虛多寒。三十六病。千變萬端。審脉陰陽。虛實緊弦。行其鍼藥。治危得安。其雖同病。脉各異源。子當辨訖。勿謂不然。

此言婦人之病。其因約有三端。曰虛。曰冷。曰結氣。蓋血脉貴充。悅而地道喜溫。和生氣欲條達也。否則血寒經絕。胞門閉而經絡阻矣。而其變證。則有在上在

中在下之異。在上者。肺胃受之。爲嘔吐涎唾。爲肺癰。爲形體消損。病自下而至。上從炎上之化也。在中者。肝脾受之。或寒疝繞臍。或脇痛連臍。此病爲陰。或結熱中。痛在關元。或脉數肌乾。甚則升着男子。此病爲熱中。爲陰陽之交。故或從寒化。或從熱化也。在下者。腎藏受之。爲經脫不勻。爲陰中掣痛。少腹惡寒。或上引腰脊。下根氣街及膝脛疼痛。腎藏爲陰之部。而衝脉與少陰之大絡竝起於腎。故也。甚則奄忽眩暈。狀如厥巔。所謂陰病者。下行極而上也。或有憂慘悲嘆。狀如鬼神者。病在陰則多怒。及悲愁不樂也。而總之。



曰此皆帶下。帶下者。帶脉之下。古人列經脉爲病。凡三十六種。皆謂之帶下病。非今人所謂赤白帶下也。至其陰陽虛實之機。鍼藥安危之故。苟非醫者辨之。有素。烏能施之。而無悞耶。三十六病者。十二藏九痛七害五傷三痼也。

問曰。婦人年五十所。病下利數十日不止。暮卽發熱。少腹裏急。腹滿。手掌煩熱。唇口乾燥。何也。師曰。此病屬帶下。何以故。曾經半產。瘀血在少腹。不去。何以知之。其證唇口乾燥。故知之。當以溫經湯主之。

婦人年五十所。天癸已斷。而病下利。似非因經所致。

矣。不知少腹舊有積血，欲行而未得遽行，欲止而不能竟止。於是下利窘急，至數十日不止。暮卽發熱者，血結在陰；陽氣至暮不待人於陰，而反浮於外也。少腹裏急，腹滿者，血積不行，亦陰寒在下也。手掌煩熱，病在陰。掌亦陰也。唇口乾燥，血內瘀者，不外榮也。此爲瘀血，作利不必治利，但去其瘀而利自止。吳茱萸、桂枝、丹皮入血散寒而行其瘀。芍藥、麥冬、阿膠以生新血。人參、甘草、薑、夏以正脾氣。蓋瘀久者，榮必衰。下多者，脾必傷也。

溫經湯方

吳茱萸 三兩

常歸

芍藥

芍藥

人參

桂枝

阿膠

丹皮

生薑

甘草

各二兩

半夏

半升

麥冬

一升

右十二味以水一斗煮取三升分溫三服亦主婦人少腹寒久不受胎兼治崩中去血或月水來過多及至期不來

帶下。經水不利。少腹滿痛。經一月再見者。土瓜根散主之。

婦人經脉流暢。應期而至。血滿則下。血盡復生。如月盈則虧。月晦復胎也。惟其不利。則膏洩失常。似通非

通。欲止不止。經一月而再見矣。少腹滿痛。不利之驗也。土瓜根主內痺瘀血。月閉。麤蟲蠕動逐血。桂枝芍藥行榮氣而正經脉也。

土瓜根散方

土瓜根

芍藥

桂枝

麤蟲各三分

右四味杵爲散。酒服方寸匕。日三服。

寸口脉弦而大。弦則爲減。大則爲芤。減則爲寒。芤則爲虛。寒虛相搏。此名爲革。婦人則半產漏下。旋覆花湯主之。

本文已見虛勞篇中。此去男子亡血失精句而益之。

曰旋覆花湯主之。蓋專爲婦人立法也。詳本草旋覆花治結氣去五臟間寒熱通血脈。葱主寒熱除肝邪。絳帛入肝理血。殊與虛寒之旨不合。然而肝以陰藏而含少陽之氣。以生化爲事。以流行爲用。是以虛不可補。解其鬱聚卽所以補寒。不可溫行其血氣卽所以溫固。不可尚補其血以傷其氣。亦非必先散結聚而後溫補。如趙氏魏氏之說也。

旋覆花湯方

旋覆花

三兩

葱

十四莖

新絳

少許

右三味以水三升煮取一升頓服之

婦人陷經漏下黑不解。膠薑湯主之。

漏經下而不止之謂。黑則因寒而色瘀也。膠薑湯方未見。然補虛溫裏止漏。阿膠乾薑二物已足。林億云。恐是膠艾湯。按千金膠艾湯有乾薑。似可取用。

婦人少腹滿如敦狀。小便微難而不渴。生後者。此爲水與血俱結在血室也。大黃甘遂湯主之。

敦音對。按周禮注。槃以盛血。敦以盛食。蓋古器也。少腹滿如敦狀者。言少腹有形高起如敦之狀。與內經。脇下大如覆杯之文畧同。小便難。病不獨在血矣。不渴。知非上焦氣熱不化。生後。即產後。產後得此。乃是

水血竝結而病屬下焦也。故以大黃下血。甘遂逐水。加阿膠者。所以去瘀濁而兼安養也。

大黃甘遂湯方

大黃

四兩

甘遂

阿膠

各二兩

右三味以水三升煮取一升頓服其血當下

婦人經水不利下。抵當湯主之。

經水不利下者。經脈閉塞而不下。比前條下而不利者。有別矣。故彼兼和利。而此專攻逐也。然必審其脈證。竝實而後用之。不然婦人經閉。多有血枯脈絕者矣。雖養衝任。猶恐不至。而可強責之哉。

抵當湯方

水蛭 熬

竇蟲 熬各三十

桃仁 二十

大黃

酒浸

右四味爲末。水五升。煮取三升。去滓。溫服一升。

婦人經水閉不利。藏堅癖不止。中有乾血。下白物。礬石丸主之。

藏堅癖不止者。子藏乾血。堅凝成癖。而不去也。乾血不去。則新血不榮。而經閉不利矣。由是蓄洩不時。胞宮生濕。濕復生熱。所積之血。轉爲濕熱。所腐而成白物。時時自下。是宜先去其藏之濕熱。礬石却水除熱。合杏仁破結潤乾血也。



礬石丸方

礬石三分

杏仁一分

右二味末之煉蜜丸棗核大內藏中劇者再內之  
婦人六十二種風腹中血氣刺痛紅藍花酒主之

婦人經盡產後風邪最易襲入腹中與血氣相搏而  
作刺痛刺痛痛如刺也六十二種未詳紅藍花苦辛  
溫活血止痛得酒尤良不裏用風藥者血行而風自  
去耳

紅藍花酒方

紅藍花一兩

右一味酒一大升煎減半頓服一斗米止再服

婦人腹中諸疾痛當歸芍藥散主之。

婦人以血爲主而血以中氣爲主中氣者土氣也土燥不生物土濕亦不生物芍歸芍藥滋其血苓朮澤瀉治其濕燥濕得宜而土能生物疾痛竝蠲矣。

當歸芍藥散方

見妊娠

婦人腹中痛小建中湯主之。

榮不足則脉急衛不足則裏寒虛寒裏急腹中則痛是必以甘藥補中緩急爲主而合辛以生陽合酸以生陰陰陽和而榮衛行何腹痛之有哉。

小建中湯方

見虛勞

問曰。婦人病飲食如故。煩熱不得臥。而反倚息者何也。  
師曰。此名轉胞。不得溺也。以胞系了戾。故致此病。腎氣  
丸主之。

飲食如故。病不由中焦也。了戾與繆戾同。胞系繆戾  
而不順。則胞爲之轉。胞轉則不得溺也。由是下氣上  
逆而倚息。上氣不能下通而煩熱不得臥。治以腎氣  
者。下焦之氣。腎主之。腎氣得理。庶繆者順。戾者平。而  
閉乃通耳。

腎氣丸方

乾地黄 八兩

山藥

山茱萸 各四兩

澤瀉

丹皮

茯苓 各三兩

桂枝

附子 炮各一兩

右八味末之煉蜜和丸梧子大酒下十五丸加至二十丸日再服

婦人陰寒溫陰中坐藥蛇床子散主之

陰寒陰中寒也。寒則生濕蛇床子溫以去寒。合白粉燥以除濕也。此病在陰中而不關藏府。故但內藥陰中自愈。

蛇床子散方

蛇床子

右一味末之以白粉少許和合相得如棗大綿裹內之自然溫

少陰脉滑而數者。陰中卽生瘡。陰中蝕瘡爛者。狼牙湯洗之。

脉滑者濕也。脉數者熱也。濕熱相合。而係在少陰。故陰中卽生瘡。甚則蝕爛不已。狼牙味酸苦。除邪熱氣。疥癬惡瘡。去白蟲。故取治是病。

### 狼牙湯方

狼牙 三兩

右一味以水四升煮取半升以綿纏筋如繭浸湯漚

陰中日四遍

胃氣下泄。陰吹而正喧。此穀氣之實也。膏髮煎主之。

陰吹。陰中出聲如大便失氣之狀。連續不絕。故曰正喧。穀氣實者。大便結而不通。是以陽明下行之氣。不得從其故道。而乃別走旁竅也。猪膏髮煎。潤導大便。便通。氣自歸矣。

膏髮煎方

見黃

小兒疳蟲蝕齒方

雄黃

葶藶

右二味末之。取臘月猪脂。銘以槐枝。綿裹頭四五枚。

點藥烙之